

**Հարցաշար հայոց լեզվի օլիմպիադայի մարզային փուլի
11-12-րդ դասարաններ**

Տևողությունը՝ 2 ժամ 30 րոպե

Վաղուց՝ հազարամյակներ առաջ՝ Միջագետքում սփռված էր պերճաշուք Բաբելոնը, **որ** ամուր պարիսպներով ու դարպասներով շրջապատված՝ անկախ ու անառիկ էր պահում բյուրավոր բնակիչներ ունեցող քաղաքին: Եփրատի՝ արևելյան բարձրադիր ափում արքայական ուղղանկյուն պալատն էր՝ միջնաբերդի երկնակարկառ **աշտարակներով**, որոնք թվում էր՝ իշխում էին շրջակայքի վրա: Սակայն Բաբելոնի զարդը, իրավամար, նրա՝ զարմանահրաշ աչք շոյող կախովի այգիներն էին: **Ըստ Հերոդոտոսի՝** այն հիմնել էր Նաբուգոդոնոսոր արքան՝ իրեն կնոջ՝ մեդիացի թագուհու ձանձրույթը փարատելու: Տեսնելով, որ դշխուհին թախծում է տոթակեզ քաղաքում, վերհիշելով իր գովաստին հայրենիքը, արքան որոշեց անակնկալ մատուցել, նա թագուհուն կնվիրի փարթամ մի պարտեզ՝ նման Մեդիայի **ծառաստաններին**:

Քառահարկ աշտարակի վրա վառվռուն պարտեզներն ասես **կախված** էին օդում: Կանաչազարդ չորսը հարկերը վեհորեն բազմել էին կորնթարդ կամարներին, վերջիններս էլ քառանկյուն մույթերին: Որպեսզի Մեդիայի **պատրանք** ստեղծի, թագավորն աշխարհի տարբեր ծայրերից անգամ բերել տվեց հազար ու մի թփաբույսեր ու հազվագյուտ ծաղիկներ: Ճեմուղու եզրերը պատված էին վարդերով ու նրբաբույր **եղրնանիներով**, քիչ այն կոդմում՝ խոլորձի և մարգարտածաղկի թփերն էին, իսկ դրանց կողքը պչրանքով օրորվող ծփիները:

Դարեր անցան, ու Բաբելոնը ասուպի պես անհետացավ ժամանակի հոլովույթում, և ահեղահու ջրհեղեղն **հիմնովին** կործանեց Նաբուգոդոնոսորի **կավից** պատրաստված պալատը, (ի դեպ Բաբելոնում ամբողջ կառույցները կավաշեն էին) նաև հուրթի պարտեզը:

1. Արտագրի՝ ռ տեքստը՝ շտկելով կետադրական սխալները, անհրաժեշտ տեղերում լրացնելով բաց թողնված տրոհության նշանները: (5 միավոր)
2. Բնագրից դո՛ւրս գրի՛ր լեզվական սխալներով գործածված բառերն ու բառաձևերը՝ դիմացը գրելով ճիշտ տարբերակը: (4 միավոր)
3. Տեքստից դուրս գրի՛ր տրված բառերին համապատասխանող հոմանիշները՝ ծեփծեփանք, խաբկանք, տարաթույր, յասաման, անըստգյուտ, հենասայուն, ակնահաճո, ոստան: (4 միավոր)
4. Դո՛ւրս գրի՛ր տեքստում գործածված բարդաձանցավոր բոլոր բառերը: (5 միավոր)
5. Տեքստից դո՛ւրս գրի՛ր այլ խոսքիմասային արժեք ունեցող 10 բառ՝ բոլորի կողքին նշելով խոսքի մասերի անվանումները: (5 միավոր)
6. Նշի՛ր բնագրում ընդգծված բառերի շարահյուսական պաշտոնները: (5 միավոր)
7. Ընդգծի՛ր այն գոյականները, որոնց հոգնակին կազմվում է –ներ վերջավորությամբ՝ հողաչափ, տեսակետ, բուժքույր, սպի, որկրամուլ, սկիզբ, ծոցատետր, կարմրախայտ ճառագիր, բաղաձայն, հանքախորշ, ստինք, վերջալույս, փողկապ, տաքդեղ, կայսր, հայցագիր, լրագիր, ընձուղտ, բելոռուս, տոնածառ, լուսանցք, միջնասայուն: (3 միավոր)
8. Կազմի՛ր բնույթով որոշիչ երկրորդականով 4 բարդ ստորադասական նախադասություն՝ որպես կապակցման միջոց կիրառելով **որտեղ, ուր, որքան, երբ** հարաբերական դերանունները: (4 միավոր)
9. Բացատրի՛ր տրված դարձվածքները՝ Պառնասի գագաթը բարձրանալ, Արիադնայի կծիկ, գորոյան հանգույց, Մորփեոսի գիրկն ընկնել, վերջին մոհիկան: (5 միավոր)
10. Գրի՛ր շարադրություն՝ «Ես եմ կերտում իմ ապագան» վերնագրով (երկու էջի սահմաններում): (10 միավոր)